

## **Seminar regional „Coordinari ti fundari mreji natsională a organizatsiilor armăneshtsă nigubernali“**

Seminar cu temă „Coordinari ti fundari mreji natsională a organizatsiilor armăneshtsă nigubernali tu Republica Machidunia“ s-tsănu Shtip pi 14 shi 15 di brumar anlu 2008 . Scupolu a seminarlui reghional era ta s-adară coordinari anamisa di sutsătsli relevanti di la comunitatea armănească tu Republica Machidunia ta s-poață s-adară definari a prioritetilor di sfera a limbăljei/educatsia shi cultura a comunitatiljei armănească.

La seminarlu partitsipară 24 di reprezentantsă di 14 di sutsăts armăneshtsă dit Machidunii, cari actsentară ca ti prota oară s-stăvrăsescu tu un loc, cum shi 2 jurnalistsă di la Redactsia armănească di la Televizia machidunească (vedz anexu). Dupu tsi s-cănăscură cu printsipili, jgljoatili ti adrari plan strateghic, cum shi metodili ti adrari planuri actzioni, partitsipantsălji putură practic s-adară planuri actzioni ti cultura shi limba a Armănjlor di R. Machidunia.

Lucurlu a seminarlui s-dutsea tu ună bună atmosferă shi oaspitslji spusiră analtu nivel tu lucurlu ti băgari prioriteti. Ahorghea era actsentată ca lipseashti ma multi ori s-organizeadză ahtări andămăseri iu va s-intră malju dză tuti sutsăts relevanti a Armănjlor cu cursu ti a lor intrari tu ună mreję.

Di la aesti seminar inshi propunirea ti Strateghia ti limba shi cultura a Armănjlor di RM shi planuri actzioni. Organizatorlu li-pitricu documentili până la partitsipantsălji ta s-poață s-li veadă, ta s-poață ma amănat s-hibă shi formal apruceati. Cu strateghia lipseashti s-fundeadză organ coordinativ shi angajman a resursilor di oaminj cari va s-lucreadză ti realizarea a activitătslor.

Moderatori a seminarlui era Maria Nicolova shi Mandica Nicia, partitsipantsă tu programa Instructsii ti instructori.

Seminarlu era organizat di Fondatsia Institut dishcljjsă sotsietati – Machidunia deadun cu sutsata „Valoari deadun“ di Scopia.